

ZAPISNIK

SA VIII PROŠIRENE SJEDNICE UPRAVNOG ODBORA UDRUŽENJA POSLODAVACA U FBiH
održane dana dana 03.06.2026. godine (srijeda),
sa početkom u 11:30 sati (ETNA- Shopping centar, Branilaca grada bb) u Gračanici

Na sjednici su prisustvovali: Nihad Imširović, Jasmin Zulčić, Katarina Kafadar (on line), Nagib Mujkić, Mahmut Galijašević, Adem Hanić, Haris Ćoralić, Zijo Tanjo, Edin Emšo, i Mujo Hasić.

Sjednici su po ovlaštenju prisustvovali: Ramiz Mušić (po ovlaštenju Senada Džambića).

Na sjednici nisu prisustvovali:, Salih Lemeš, Bahrija Huseinbegović, Berina Bajrović, Bariša Šušnjar, Ladislav Bevanda, Damir Vidačak, Džemal Hasković Samir Mustafić, Tomislav Vrdoljak i Igor Marković koji su opravdali svoj izostanak.

Na sjednici su pored članova UO prisustvovali i članovi ESV-a za teritoriju FBiH kao i predsjednik UO KS Suhad Ećo.

Ispred UP FBiH sastanku su prisustvovali: Mario Nenadić, direktor, Mersiha Jusić, sekretar i Vedrana Živković, PR

Sjednicu je otvorio Nihad Imširović, predsjednik Upravnog odbora Udruženja poslodavaca i predložio sljedeći:

DNEVNI RED

1. Usvajanje zapisnika sa VII proširene sjednice UO UPFBiH,
2. Donošenje Odluke o osnivanju Grupacije poslodavaca za djelatnosti poslovnih servisa i IT pri UPFBiH,
3. Informacija o provedenim i tekućim aktivnostima UO UPFBiH,
4. Informacija i zauzimanje stavova po pitanju zdravstvenog osiguranja (Izmjena Pravilnika o postupku i kriterijima za utvrđivanje privremene spriječenosti za rad osiguranika i Zakon o zdravstvenom osiguranju),
5. Informacija o trenutnom statusu i aktivnostima vezano za Zakon o radu,
6. Informacija i zauzimanje stavova o statusu i inicijativama vezano za kolektivne ugovore,
7. Donošenje Odluke o nabavci i kupovini osnovnog sredstva,
8. Donošenje Odluke o produženju mandata i Ugovora direktora Maria Nenadića,
9. Tekuća pitanja
 - Aktivnosti državne Agencije za rad i zapošljavanje BiH na pitanjima zapošljavanja i rada stranaca i rada bh državljana izvan BiH,

Obzirom da nije bilo primjedbi i novih prijedloga donesen je sljedeći:

ZAKLJUČAK: Dnevni red je jednoglasno usvojen.

RASPRAVA PO TAČKAMA DNEVNOG REDA**Tačka 1. Razmatranje i usvajanje Zapisnika sa VII proširene sjednice UO UP FBiH**

Predsjednik UO je napomenuo da su svi dobili Zapisnik u materijalima i stavio isti na glasanje.

Obzirom da nije bilo primjedbi donesen je sljedeći:

ZAKLJUČAK: Zapisnik sa VII proširene sjednice UO UPFBiH usvojen je jednoglasno.

Tačka 2. Donošenje Odluke o osnivanju Grupacije poslodavaca za djelatnosti poslovnih servisa i IT pri UPFBiH

Upravni odbor razmatrao je prijedlog Odluke o osnivanju Grupacije poslodavaca za djelatnosti poslovnih servisa i IT pri Udruženju poslodavaca u FBiH.

Istaknuto je da ovaj sektor predstavlja jednu od najbrže rastućih privrednih grana u Bosni i Hercegovini, sa više od 14.000 zaposlenih u više od stotinu kompanija sa deset i više zaposlenih, dok na evropskom nivou u ovoj djelatnosti radi oko 30 miliona ljudi.

Naglašeno je da će formiranje Grupacije omogućiti kvalitetnije zastupanje interesa kompanija iz ovog sektora, unapređenje regulatornog i poslovnog okruženja, jačanje socijalnog dijaloga, digitalne transformacije, razvoja ljudskih potencijala i međunarodne saradnje.

Za predsjednicu Grupacije imenovana je Nadina Gradašćević, predstavnica Asocijacije biznis servis lidera (ABSL).

Tokom rasprave član Upravnog odbora Jasmin Zulčić istakao je kako će zajedničko djelovanje članica doprinijeti razmjeni znanja, razvoju partnerstava i unapređenju konkurentnosti sektora, te da će Grupacija biti važan partner institucijama u oblastima digitalne transformacije i razvoja tržišta rada.

Nakon otvorene diskusije donesen je sljedeći:

Zaključak:

A.d. 2.1. Upravni odbor jednoglasno donio Odluku o osnivanju Grupacije poslodavaca za djelatnosti poslovnih servisa i IT pri Udruženju poslodavaca u FBiH.

A.d. 2.2. Upravni odbor jednoglasno donio Odluku da se za predsjednicu Grupacije poslodavaca za djelatnosti poslovnih servisa i IT pri Udruženju poslodavaca u FBiH imenuje Nadina Gradašćević, direktorica ABSL-a.

Tačka 3. Informacija o provedenim i tekućim aktivnostima Udruženja

Direktor Udruženja informisao je članove o najvažnijim aktivnostima realizovanim između dvije sjednice, uključujući aktivnosti na unapređenju poslovnog ambijenta, rad radnih grupa, međunarodne projekte i aktivnosti u okviru socijalnog dijaloga.

Nakon diskusije donesen je sljedeći,

Zaključak:

A.d. 3.1. Upravni odbor primio je informaciju k znanju i dao punu podršku nastavku započetih aktivnosti.

Tačka 4. Informacija i zauzimanje stavova po pitanju zdravstvenog osiguranja (Izmjena Pravilnika o postupku i kriterijima za utvrđivanje privremene spriječenosti za rad osiguranika i Zakon o zdravstvenom osiguranju),

Članovi Upravnog odbora razmatrali su aktivnosti vezane za izmjene Pravilnika o postupku i kriterijima za utvrđivanje privremene spriječenosti za rad osiguranika.

Predsjednik ESV-a gospodin Safudin Čengić je upoznao prisutne da je tekst Pravilnika usaglašen u okviru Ekonomsko-socijalnog vijeća za teritoriju Federacije BiH, te da predstavlja značajan iskorak u sprečavanju zloupotreba instituta privremene spriječenosti za rad.

Upravni odbor pozdravio je završetak rada Radne grupe i dao podršku aktivnostima na Izmjeni pravilnika o postupku i kriterijima za utvrđivanje privremene spriječenosti za rad osiguranika čiji je tekst utvrđen na Ekonomsko-socijalnom vijeću FBiH u ponedjeljak. Upravni odbor očekuje da Ministarstvo zdravstva Federacije BiH u što kraćem roku provede preostale procedure radi njegovog stupanja na snagu. Ovim pravilnikom nastojat će se, ako ne u potpunosti zaustaviti, u značajnoj mjeri smanjiti zloupotreba bolovanja.

Međutim, Upravni odbor i dalje je fokusiran na izmjene Zakona o zdravstvenom osiguranju jer postojeći zakon ne osigurava adekvatna rješenja ni za jednog od socijalnih partnera. U tom kontekstu, podržan je i zaključak ESV-a da se u roku od 90 dana pripremi zakon koji će omogućiti održivost sistema i istovremeno zadovoljenje interesa svih socijalnih partnerima kada se radi o pitanjima zdravstvenog osiguranja radnika i istovremeno očuvanje zdravstvenog sistema u FBiH.

Nakon otvorene rasprave doneseni su sljedeći

Zaključci:

A.d. 4.1. Upravni odbor daje punu podršku usaglašenom tekstu Pravilnika, te očekuje da Ministarstvo zdravstva Federacije BiH u što kraćem roku provede preostale procedure radi njegovog stupanja na snagu.

A.d. 4.2. Podržava se zaključak ESV-a o izradi novog Zakona o zdravstvenom osiguranju, odnosno da se u roku od 90 dana pripremi zakon koji će omogućiti održivost sistema i istovremeno zadovoljenje interesa svih socijalnih partnerima kada se radi o pitanjima zdravstvenog osiguranja radnika i istovremeno očuvanje zdravstvenog sistema u FBiH. UPFBiH će aktivno učestvovati u pripremi zakonskih rješenja.

Tačka 5. Informacija o trenutnom statusu i aktivnostima vezano za Zakon o radu

Upravni odbor razmatrao je informacije o dosadašnjem toku izrade novog Zakona o radu Federacije BiH.

Direktor je upoznao UO da je Udruženje dostavilo detaljno obrazložene primjedbe na predloženi tekst Zakona ukazujući na odredbe koje mogu negativno uticati na poslovanje privrednih subjekata i konkurentnost domaće privrede. Naglašeno je da Udruženje nije moglo dati podršku tadašnjem tekstu Zakona, te da će i dalje insistirati na rješenjima usklađenim sa evropskom praksom koja omogućavaju veću fleksibilnost tržišta rada, očuvanje konkurentnosti privrede i održivost poslovanja.

Članovi su također informisani da je usvojen novi Zakon o zapošljavanju stranaca u Federaciji BiH, dok je Zakon o posredovanju u zapošljavanju i socijalnoj sigurnosti nezaposlenih osoba povučen iz parlamentarne procedure, uprkos prethodnom usaglašavanju između socijalnih partnera. Istaknuto je da će Udruženje nastaviti insistirati na njegovom ponovnom upućivanju u parlamentarnu proceduru, imajući u vidu značaj razdvajanja aktivnih i pasivnih tražilaca zaposlenja, smanjenja sive ekonomije i unapređenja funkcionisanja tržišta rada.

Nakon rasprave doneseni su sljedeći:

Zaključci:

A.d. 5.1. Prima se k znanju informacija o statusu radno-pravnog zakonodavstva.

A.d. 5.2. Zadužuju se stručna služba i rukovodstvo Udruženja da nastave aktivnosti prema socijalnim partnerima i nadležnim institucijama radi usaglašavanja stavova o pitanjima od značaja za poslovno okruženje.

A.d. 5.3. Zadužuje se delegacija Udruženja poslodavaca u FBiH u Ekonomsko-socijalnom vijeću da zatraži održavanje posebne sjednice ESV-a posvećene Zakonu o radu i drugim pitanjima iz oblasti radno-pravnog zakonodavstva.

Tačka 6. Informacija o statusu kolektivnih ugovora

Predsjednik UO je upoznao prisitne da je Udruženje poslodavaca u FBiH već osam godina, od prestanka važenja Općeg kolektivnog ugovora, zajedno sa granskim sindikatima ulaže značajne napore u pregovore i usaglašavanje granskih kolektivnih ugovora.

Granski kolektivni ugovori pokazali su se kao adekvatan odgovor socijalnih partnera na specifičnosti pojedinih djelatnosti i različite uslove poslovanja u privredi.

Također, predsjednik je upoznao prisutne i sa informacijom koja se odnosi na inicijativu Saveza samostalnih sindikata Bosne i Hercegovine za pokretanje pregovora radi usaglašavanja i zaključivanja Općeg kolektivnog ugovora. Navedena inicijativa upućena je na jučerašnjoj sjednici Ekonomsko-socijalnog vijeća FBiH.

Predsjednik je istakao da će stručna služba u kordinaciji sa rukovodstvom u narednim danima pripremit detaljnu informaciju sa prijedlogom zaključaka u vezi s prihvatanjem inicijative i formiranjem pregovaračkog tima Udruženja poslodavaca u FBiH. Imajući u vidu značaj ovog pitanja i potrebu kvalitetne pripreme stavova Udruženja, predsjednik je najavio održavanje posebne sjednice Upravnog odbora, najvjerovatnije u online formatu, na kojoj ćemo detaljno razmotriti ovo pitanje i donijeti odgovarajuće odluke.

Nakon diskusije donesen je sljedeći:

Zaključak:

A.d. 6.1. Prima se k znanju informacija o primjeni granskih kolektivnih ugovora i planiranim aktivnostima Udruženja u ovoj oblasti.

A.d. 6.2. Ovlašćuju se rukovodioci pregovaračkih timova, predsjednik Udruženja, i stručna služba da nastave aktivnosti na primjeni postojećih granskih kolektivnih ugovora, kao i na pokretanju novih pregovora sa socijalnim partnerima.

Tačka 7. Donošenje Odluke o nabavci osnovnog sredstva

Direktor je upoznao prisutne o dostavljenom prijedlogu te napomenuo da je Upravni odbor nadležan da donese Odluku o nabavci osnovnog sredstva u skladu sa finansijskim planom Udruženja. Nakon rasprave donesen je sljedeći,

Zaključak:

A.d. 7.1. Upravni odbor donosi jednoglasno Odluku o nabavci službenog putničkog vozila, u skladu sa Statutom Udruženja i Finansijskim planom za 2026. godinu.

Tačka 8. Donošenje Odluke o produženju mandata i ugovora direktora Maria Nenadića

Predsjednik UO je predložio da se trenutnom direktoru Udruženja poslodavaca u FBiH Mariu Nenadiću produži mandat i Ugovor o radu.

Upravni odbor je ocijenio da je Mario Nenadić u prethodnom mandatnom periodu funkciju direktora obavljao profesionalno, odgovorno i u najboljem interesu Udruženja, te uspješno provodio odluke i zaključke organa Udruženja.

Tokom njegovog mandata ostvareni su značajni rezultati. Upravni odbor je, razmatrajući dosadašnji rad direktora, ocijenio da je u prethodnom mandatnom periodu ostvareno uspješno rukovođenje i zastupanje Udruženje poslodavaca u FBiH, posebno u segmentima:

- jačanja socijalnog dijaloga i zastupanja interesa poslodavaca,
- jačanja organizacionih i finansijskih kapaciteta Udruženja,
- osigurano stabilno finansiranje kroz članarine i projekte
- u Udruženje uključen veliki broj novih kompanija i
- zaposlena dvije nove osobe u udruženje, realizacije domaćih i međunarodnih projekata,
- unapređenja saradnje sa institucijama vlasti, međunarodnim organizacijama i socijalnim partnerima,
- povećanja vidljivosti i uticaja Udruženja u procesima ekonomskih i radno pravnih reformi.

Nakon rasprave donesen je sljedeći,

Zaključak:

A.d. 8.1. Imajući u vidu ostvarene rezultate, potrebu očuvanja kontinuiteta rada i stabilnosti funkcionisanja Udruženja, Upravni odbor je jednoglasno donio Odluku o produženja mandata direktora Maria Nenadića.

Tačka 9. Tekuća pitanja

Članovi Upravnog odbora informisani su o aktivnostima Agencije za rad i zapošljavanje Bosne i Hercegovine koje se odnose na zapošljavanje stranih radnika u Bosni i Hercegovini i rad državljana Bosne i Hercegovine u inostranstvu.



Istaknuta je potreba nastavka saradnje svih nadležnih institucija radi unapređenja sistema zapošljavanja i mobilnosti radne snage.

Kako nije bilo drugih pitanja, sjednica je završena.

Sjednica je završena u 14:00h.

Zapisnik sačinila:

Mersiha Jusić

PREDSJEDNIK UO

Nihad Imširović